

L Ö G

Skautasambands Íslands ÍSS

1. grein

Nafn:

Sambandið heitir: Skautasamband Íslands, skammstafað ÍSS.

ÍSS er æðsti aðili um öll skautamál innan vébanda Íþrótt- og Ólympíusambands Íslands, skammstafað ÍSÍ. Skautasamband Íslands er aðili að International Skating Union, skammstafað ISU. Heimili þess og varnarþing er í Reykjavík.

2. grein

Sambandsaðilar

Skautasamband Íslands er samband íþróttabandalaga eða héraðssambanda eða sérráða. Öll þau íþróttabandalög eða héraðssambönd innan ÍSÍ sem hafa innan sinna vébanda félög er iðka, æfa og keppa í skautaíþróttum (listhlaupi og skautahlaupi), geta orðið aðilar að ÍSS.

3. grein

Tilgangur og markmið

Starf ÍSS er í meginatriðum:

- Að hafa yfirstjórn allra íslenskra skautamála.
- Að vinna að eflingu skautaíþróttar í landinu.
- Að setja nauðsynlegar reglur, löggilda dómara, ráðstafa mótum og staðfesta met.
- Að koma fram hérlandis og erlendis fyrir hönd skautaíþróttarinnar á Íslandi.
- Að sjá um að reglur ÍSS séu í samræmi við alþjóðareglur ISU.
- Að vera í forsvari fyrir skautaíþróttina innan vébanda ÍSÍ.
- Að halda námskeið fyrir þjálfara, dómara –og tæknipanel.

4. grein

Stjórnun

Málefnum ÍSS stjórna:

- Skautaþingið.
- Stjórn ÍSS.

5. grein

Reiknisstil og prókúra

Reikningsár er almanaksárið.

Sambandið rita tveir stjórnarmenn, formaður og gjaldkeri, en gjaldkeri hefur einn prókúru fyrir sambandið.

6. grein

Skautapíng

Skautapíngið fer með æðsta vald í málefnum ÍSS. Þíngið sitja fulltrúar frá þeim íþróttabandalögum og héraðssamböndum sem mynda ÍSS.

Þíngið skal haldið á hverju ári í apríl eða maí. Skal boða það bréflega með minnst 1 mánaðar fyrirvara. Kosning stjórnar ÍSS er til tveggja ára. Á sléttu ártali skal kjósa formann, tvo aðalmenn og einn varamann. Hitt árið skal kjósa tvo aðalmenn og einn varamann.

Ákvæði til bráðabirgða:

Á næsta skautapíngi, 2018, skal kjósa samkvæmt nýju kosningarfyrirkomulagi en kjósa skal tvo aðalmenn og einn varamann, til eins árs.

Hvert aðildarfélag á sæti í kjörnefnd sem stjórn ÍSS skipar og skal taka til starfa 1. febrúar ár hvert. Hlutverk kjörnefndar er að taka á móti framboðum í stjórn og varastjórn ÍSS og skal kjörnefnd auglýsa framboðsfrest á heimasíðu ÍSS. Tilkynningar um framboð skulu berast kjörnefnd eigi síðar en 2 vikum fyrir skautapíng. Hafi ekki nægilegur fjöldi gefið kost á sér á þeim tíma, er kjörnefnd heimilt að framlengja framboðsfrestinn enda sé það tryggilega tilkynnt sambandsaðilum. Hafi, þrátt fyrir það, eigi borist næg framboð skal kjörnefnd hlutast til um að afla nauðsynlegs fjölda framboða. Leyfilegt er að bjóða sig fram á þíngi.

Þeir sem bjóða sig fram til stjórnarsetu í stjórn ÍSS mega ekki hafa hlotið refsidóma vegna brota á ákvæði XXII. kafla almennra hegningalaga nr. 19/1940 eins og kveður á í lögum ÍSÍ 2. kafla 5a.

Aðilar sem kosnir eru í stjórn ÍSS geta ekki jafnhliða verið formenn deilda aðildarfélaga, verið virkir iðkendur né starfsmenn viðkomandi aðildarfélaga.

Kjörnefnd er eftirlitsaðili með kosningum.

Málefni sem sambandsaðilar óska eftir að tekin verði fyrir á þínginu skulu tilkynnt stjórn ÍSS minnst 3 vikum fyrir þíngið.

Þá skal stjórn ÍSS tilkynna sambandsaðilum dagskrá þingsins ásamt tillögum og lagabreytingum sem borist hafa í síðasta lagi 14 dögum fyrir þíng.

Skautapíngið er lögmætt ef löglega hefur verið til þess boðað.

Á skautapíngi hafa kjörnir fulltrúar einir atkvæðisrétt. Auk þeirra eiga rétt á þíngsetu og hafa málfrelsi og tillögurétt:

- a) Stjórn ÍSS, varastjórn og endurskoðendur.
- b) Framkvæmdastjórn ÍSÍ.
- c) Fastráðnir starfsmenn ÍSS og ÍSÍ.
- d) Nefndarmenn ÍSS
- e) Stjórnir héraðssambanda og íþróttabandalaga.
- f) Stjórn ÍSS getur auk þess boðið öðrum aðilum þíngsetu ef hún telur ástæðu til.
- g) Heiðursfélaga ÍSS.

7. grein

Fulltrúar á Skautapingi

Fulltrúafjöldi hvers aðildarfélags fer eftir tölu virkra iðkenda skautaípróttarinnar. Virkir iðkendur teljast þeir sem greidd voru iðkendagjöld fyrir 1. maí og eða 1. desember síðasta almanaksár fyrir þing. Hver iðkandi telst aðeins einu sinni á almanaksárinu samkvæmt nafnalistum :

- a) Fyrir fyrstu 50 iðkendur koma 2 fulltrúar.
- b) Síðan 1 fulltrúi fyrir næstu 50 eða 1 fyrir hverja næstu 50 eða brot úr 50.

Hver fulltrúi hefur aðeins eitt atkvæði.

8. grein

Dagskrá skautapings skal vera:

1. Þingsetning.
2. Kosning þinggjafa manna kjörbréfanefnd.
3. Kosning þingforseta.
4. Kosning þingritara.
5. Skýrsla stjórnar lögð fram.
6. Endurskoðaðir reikningar sambandsins lagðir fram.
7. Umræður og samþykkt reikninga.
8. Ávarp gesta.
9. Fjárhagsáætlun næsta árs lögð fram.
10. Kosning þingnefnda.
11. Lagabreytingatillögur.
12. Aðrar tillögur sem kynntar voru í fundarboði.
13. Teknar fyrir tillögur og önnur mál sem lögð hafa verið fyrir þingið ef þingmeirihluti leyfir.
14. Nefndir starfa.
15. Nefndir gera grein fyrir störfum sínum.
16. Umræður um tillögur nefnda og atkvæðagreiðslur um þær.
17. Kosning stjórnar ÍSS og varastjórnar, skv. 10. gr.
18. Kosning tveir skoðunarmenn reikninga.
19. Kosning fulltrúa á Íþróttaping ÍSÍ, skv. lögum ÍSÍ, á því ári sem Íþróttaping ÍSÍ fer fram.
20. Þingslit.

Einfaldur meirihluti ræður úrslitum mála, nema annað segi í lögum þessum.

Til breytinga á lögum þarf samþykki 2/3 hluta atkvæðisbærra fulltrúa.

9. grein

Aukaping

Aukaping má halda ef nauðsyn krefur eða helmingur sambandsaðila óskar þess. Boða skal til aukapings með minnst 14 daga fyrirvara.

Á aukapingi má ekki gera lagabreytingar né kjósa stjórn, nema bráðabirgðastjórn, ef meirihluti kjörinnar aðalstjórnar hefur sagt af sér eða hætt störfum af öðrum orsökum. Að öðru leyti gilda um það sömu reglur og um reglulegt skautaping.

Á aukapingi skulu íþróttabandalög/héraðssambönd hafa sama fulltrúafjölda og þau höfðu á síðasta skautapingi sem haldið var.

10. grein

Stjórn

Stjórn sambandsins skal skipuð fimm einstaklingum og tveimur til vara. Formaðurinn er kosinn sérstaklega á skautapíngi, en aðrir skipta með sér embættum, varaformaður, gjaldkeri, ritari og meðstjórnandi. Varastjórn er kosin sérstaklega.

Falli formaður frá eða hættir á kjörtímabilinu tekur varaformaður sæti hans fram að næsta skautapíngi.

11. grein

Ábyrgð stjórnar

Stjórn ber ábyrgð á starfssemi sambandsins. Starfstími stjórnar hefst að loknu skautapíngi. Stjórnin hefur heimild til að kalla til sérhvern félaga til aðstoðar um starfssemi sambandsins.

Stjórnin hefur heimild til að ráða launaða starfsmenn og gera við þá ráðningarsamninga. Formaður ÍSS boðar stjórnarfundi og stjórnar þeim.

Stjórnin skal skipuleggja og stýra starfi sambandsins á milli skautapínga og fer hún með framkvæmda og ákvörðunarvald sambandsins.

Stjórn er ákvörðunarhæf þegar formaður ásamt tveimur stjórnarmönnum eru viðstaddir. Við stjórnarákvarðanir ræður einfaldur meirihluti, en falli atkvæði jöfn, ræður atkvæði formanns.

12. grein

Starfssvið stjórnar

- a) Að framkvæma ályktanir skautapíngs.
- b) Að annast rekstur sambandsins.
- c) Að vinna að eflingu skautaíþróttarinnar í landinu.
- d) Að semja leikreglur og reglugerðir fyrir skautaíþróttina.
- e) Að senda ISU lögboðnar skýrslur og tilkynningar
- f) Að senda framkvæmdastjórn ÍSÍ lögboðnar skýrslur og tilkynningar.
- g) Að sjá um að farið sé eftir viðurkenndum lögum og leikreglum .
- h) Að setja nauðsynleg bráðabirgðaákvæði.
- i) Að raða niður og ákveða stað og tíma sambandsmóta.
- j) Að úthluta þeim styrkjum til skautamála sem ÍSS fær til umráða.
- k) Að aðstoða aðildarfélögin og hafa með þeim eftirlit.
- l) Að koma fram hérlandis og erlendis fyrir hönd skautaíþróttarinnar.

13. grein

Nefndir ÍSS

Eftirfarandi fastanefndir skulu starfa innan ÍSS:

- Valnefnd
- Dómara- og tækninefnd
- Laganefnd
- Þjálfaranefnd

Stjórn ÍSS er heimilt að skipa aðrar nefndir til einstakra verkefna hverju sinni.

Stjórn ÍSS skipar fastanefndir til eins árs í senn skv. reglugerð viðkomandi nefndar. Valnefnd skal skipuð fagfólki, að lágmarki að meirihluta, og skulu nefndarmenn vera einstaklingar óháðir einstökum iðkendum eða félögum. Dómara- og tækni nefnd og Þjálfaranefnd skulu skipaðar fagfólki eingöngu.

Formenn nefnda boða fundi og stýra þeim. Nefndir hafa ekki sérstakan fjárhag en hafa ákvörðunarvald og bera ábyrgð á verkefnum/vali. Ábyrgðin er á nefndum en með samþykki stjórnar ÍSS og því getur stjórn ÍSS krafist nánari útskýringa á niðurstöðum nefnda. Starfstímabil fastanefnda er fram að næsta skautapingi.

14. grein

Verkefni fastanefnda.

Helstu verkefni fastanefnda ÍSS skulu vera sem hér segir:

- **Valnefnd** ber ábyrgð á vali á landsliði og að farið sé eftir settum viðmiðum við val á landsliði með samþykki stjórnar ÍSS. Nefndin skal skipuð einstaklingum óháðum einstökum keppendum eða félögum og starfa skv. reglugerð um valnefnd.
- **Dómara- og tækninefnd** ber ábyrgð á málefnum dómgæslu og dómarkerfa sem og námskeiðum fyrir dómara í samstarfi við stjórn ÍSS.
- **Laganefnd** skal vinna að endurskoðun laga og reglugerða.
- **Þjálfaranefnd** sér um keppniskröfur ÍSS og námskeið fyrir þjálfara í samstarfi við stjórn ÍSS. Þjálfaranefnd ber ábyrgð á afreksþjálfun skautara s.s. æfingabúðum fyrir landslið og/ eða sérverkefni.

Að auki geta nefndir ályktað um einstaka málefni er upp gætu komið á starfstíma þeirra, stjórn ÍSS til ráðgjafar.

Nánari verklýsingu nefnda skal setja í reglugerðir.

15. grein

Vanhæfi

Einstaklingi í trúnaðar- og ábyrgðarstöðum innan ÍSS ber að víkja sæti við meðferð og afgreiðslu máls er varðar hann eða nána venslamenn hans. Skal það fara að sjónarmiði siðareglna Alþjóðaskautasambandsins (ISU) og Íþrótta- og Ólympíusambands Íslands.

16. grein

Skil á skýrslum

Ársskýrslur og ársreikningar sambandsaðila ÍSS skulu berast á tölvutæku formi til ÍSS fyrir 15. apríl ár hvert.

17. grein

Formannafundir

Stjórn ÍSS skal í upphafi keppnistímabils boða til fundar með formönnum þeirra félaga sem aðild eiga að sambandinu.

Fundurinn skal boðaður skriflega eða á annan sannarlegan hátt, með tveggja vikna fyrirvara. Hlutverk formannafunda er til upplýsinga og samráðs. Dagskrárliðir skulu kynntir í fundarboðinu.

Í forföllum formanna taka varaformenn sæti í þeirra stað. Að öðrum kosti stjórnarmenn samkvæmt ákvörðun hlutaðeigandi aðildarfélags. Að auki getur stjórn ÍSS boðið öðrum aðilum að sitja fundi ef hún telur ástæðu til.

Á dagskrá formannafunda skal vera:

1. Skipulag keppnistímabilsins og verkefni framundan.
2. Áherslur stjórnar fyrir tímabilið kynntar.
3. Reglubreytingar.
4. Önnur mál.

18. grein

Aðgangur að mótum og sýningum

Stjórn ÍSS hefur frjálsan aðgang að öllum skautamótum og sýningum sem fram fara innan vébanda ÍSS.

19. grein

Aðalfundir aðildarfélaga

Sambandsaðilar skulu tilkynna stjórn ÍSS um aðalfundi sína. Stjórn ÍSS hefur rétt til að sitja aðalfundi aðildarfélaga.

20. grein

Félagaskipti

Félagaskipti skulu fara fram eftir reglugerð ÍSS um félagaskipti.

21. grein

Dómstólar

Dómstólar Íþróttta – og Ólympíusambands Íslands, ÍSí hafa lögsögu um þau mál sem upp kunna að koma innan skautahreyfingarinnar, samkvæmt 4. kafla í lögum ÍSí um Dómstóla ÍSí.

22. grein

Merki ÍSS

Merki ÍSS er myndað af bókstafnum Í og tveimur bókstöfum S sem umvefja stafinn Í eins og skautarákir á ís.

23. grein

Heiðursfélagar

Heiðursfélaga ÍSS má stjórnin kjósa, ef hún er einhuga um það. Heiðursfélagar hafa rétt til setu á skautaþingi.

24. grein

Sambandsslit

Tillögur um að leggja ÍSS niður má aðeins taka fyrir á lögmætu skautaþingi. Til þess að samþykkja þá tillögu þarf minnst 3/4 hluta atkvæða viðstaddra atkvæðisbærra fulltrúa. Hafi slík tillaga verið samþykkt skal gera öllum sambandsaðilum grein fyrir henni í þingskýrslunni og tillagan látnin ganga til næsta reglulegs þings. Verði tillagan þá samþykkt aftur er það fullgild ákvörðun um að leggja ÍSS niður. Skal þá afhenda ÍSí eignir ÍSS til varðveislu.

Lög ÍSS, samþykkt á Skautaþingi 2. apríl 2016.